

Iengels

Iengels is 'n West-Germaonse taele die a verwant is an 't Schots en 't Fries. Mie 't onstaen van de Iengelse koloniën ei 't Iengels zen eihen over den aele waereld vespreid. Binn'n 't Iengels zien vee leenwoôrn trug te vin'n uut 't Latien, Spaons, Italiaons en Frans. Vee mensen èn Iengels as twidde taele en Iengels hel dan ok as de lingua franca van de waereld.

Twidde taele



EN (ISO 639-1)

A'j 't totaal antal sprekers van 't Iengels as moerstaele en as twidde taele optel, is Iengels de mist hesproken taele ter waereld.

Wunnir a'j allaen de moerstaelsprekers tel, wor 't allaen nog overtroffen deur 't Chinees en Spaons. Iengels funheer ok as de *lingua franca* in 't internasjonale circuit: de weet'nschap, politiek en de economie.

In Nederland is Iengels voe vee mensen ok de twidde of derde taele. In 't voorthezet onderwies is Iengels 'n verplicht vak, en 't wor vaak ok a op de baosisschole eheven. Leerliengen van 't voorthezet onderwies mott'n ok exaam'n doene in Iengels.

Woôrschat

't Iengels ei net as 't Nederlands een vreêt hroôte woôrschat vanwehe 't feit dan der vaak twi woôrn zien voe eên woôrd: der is spraeke van 'n Germaons woôrd en van 'n Romaons woôrd. Net as in 't Nederlands worn de Germaonse woôrn vaak in de spreektaele hebruukt en de Romaonse woôrn bie den offisjele schrieftaele. In 't Nederlands is ier echter wè vee minder spraeke van. Eschat wor da 't Iengels minimaol 500.000 woôrn ken.

't Nederlands ei ok een biedraehe ehad an 't Iengels, in 't biezonder bie woôrn die an te maeken ène bie de scheepvaart. Bekende woôrn zien yacht (jacht) en cookie (koekje).

Iengels (English)

Hesproken in: Britse eilan'n, Noôrd-Amerika, Australië, Nieuw-Zeêland, Caraïben, Oceanië, stikken van Afrika en Azië, wereldwied as lingua franca

Sprekers: 380 miljoen as moerstaele, 510 miljoen totaal.

Rang: 3 of 4 (afankelijk van telwieze)


Taelfemielje Indo-Europees

- Germaons
 - West-Germaons
 - Iengveoons
 - Anglisch
 - Iengels

Alfabet: Latiens
Offisjele staotus

Taelcodes

ISO 639-1: en ISO 639-2(B): - ISO 639-3: -
SIL: eng



Deêze taele ei zen eihen
Wikipedia.
Zoek den ***lengelse variante***.

Truggeplekt van "<https://zea.wikipedia.org/w/index.php?title=lengels&oldid=97338>"

Deêze bladzie is vò 't lèst bewerkt op 5 dec 2015 om 18:17.

De tekst is beschikbaar onder de licentie Creative Commons Naamsvermelding-Gelijk delen. Er kunnen aanvullende voorwaarden van toepassing zijn. Zie de Gebruiksvoorwaarden voor meer informatie.